

# Мастер гаси́ть



2-це №

Февраль

1939



Сембе масторонь пролетариятне, пуромода марс!

# ЯКСТЕРЬ ГАЛСТУК

(Красный галстук)  
**ЖУРНАЛСЬ**  
Лисенди 7-це кизось

2-це №  
ФЕВРАЛЬ  
1939 к.

Пионеронь и школьниконь эрь  
ковня лисенди журнал.  
НОЛДАЙНЗА: ВЛКСМ-нь  
Мордовский обкомсь и  
МАССР-нь НКП-сь

Ответ. редакторсь Н. ТИШКИН  
Лит. редакторсь А. ЧЕКАШКИН

## НОМЕРСА СЪОРМАТФ:

Якстерь Армияти и Военно-Морской флотти XXI киза	1
Чапаевсь бойса . . . . .	5
Колма цёрат . . . . .	9
М. Сайгин—Лятфнемат . . . . .	12
Г. Ельмеев—Вирнясь тьялонда . . . . .	13
„ Кельгса тьялоть . . . . .	—
„ Ляйсь . . . . .	—
И. Лапшин—Сёроть андома . . . . .	14
П. Рогачев—Шумбрат, тьялоняй . . . . .	—
М. Гераськина—Велети . . . . .	—
А. Мезьякаев—Вирьса . . . . .	15
Сембонь колга аф ламнянь . . . . .	19
Варжак шарьхкодемс . . . . .	20

Сдано в производство 4 февраля 1939 г., подписано к печати 27 марта 1939 г.  
Формат бумаги 72×105<sup>1</sup>/<sub>16</sub>. Объем 1<sup>1</sup>/<sub>4</sub> п. л. Главлит № Б—16. Тираж 835. Заказ № 1264.

г. Саранск, тип. „Красный Октябрь“.





Снимкаса: И. В. Сталин и К. Е. Ворошилов

Рисункась-композициясь П. Васильев художникть.

## Якстерь Армияти и Военно-Морской Флотти—XXI киза

Шабат, 1939-це кизонь февральть 23-це шистонза Якстерь Армияти и Военно-Морской Флотти топодсь XXI киза. Тя великай годовщинать сембе Советский народсь васьфте-зе оцю радостьса и гордостьса.

Минь Рабоче-Крестьянский армияньконь пуроптозе Ленинонь—Сталинонь партиясь. Якстерь Армиять пяк кельгсась Советский нароттне, сяс мес сон героический тюремаса аралазе трудящайхнень свободас-нон.

Российский капиталисттне и помещикне ашесть ёра мирендамс, сянь мархта, што трудящайхне 1917-це кизонь октябрьста сявось эсь кядезост власть. Синь пуромсть

марс лия странань буржуазиять мархта и ушедсть война Советтнень каршес.

Немецне фатязь Украинать, Япо-нецне сявось Дальнай Востокть, Англичаттне—Мурманскаяйть. Кем-нилие капиталистический государ-стват кеподсть од Советский власть каршес. Тейст лездсть народонь заклатай вракне Троцкаясь, Буха-ринць, Пятаковсь.

Эрявсь араламс революциясь. Эста ульсь нолдаф Якстерь Арми-ять пуроптоманц колга ленинский декретсь.

Трудящайхне оцю мяльса васьф-тезь отечествать араламанц колга Ленинонь—Сталинонь партиять при-





Снимкаса: В. И. Ленин и И. В. Сталин

Смольнайсот. 1917 к.

Рисункась П. В. Васильев художникъ.

зывонц. Странать аралама тевса Ленинць работась марса Сталинць мархта.

Белогвардийскый равжа вийхне кармасть эцема Царицынць лангс, штоба аерфтомс рабочай центратнень кшить и бакинскый нефтатъ эзда. Царицынць аралама Ленинць кучсь эсь маластонь соратниконц Сталин ялгать.

Сталин ялгась Царицынскый фронтонь штабста и армияста тарк-сезень и срафтозень народонь вракнень, конатнень озафнезень Троцкийсь. Сталинць марса Ворошилов ялгать мархта тьса пурптсть кеме Якстерь Армия. Положениясь ку-рокста цебяръгадсь, и врагсь ульсь ёрдаф Донти.

Ся пингть, мзярда Сталинць организовандакшнесь белогвардейскый бандатнень разгромсион, Ленинць мобилизовандакшни фронту

лучшай партийцт, Ленинць упорна работай, штоба снабдить армиять продовольствиясь, обмундировани-ясь, сон кемокски военной опера-циянь платт.

Колчаковский армиясь гразясь Пермти. В. И. Ленинць вешсь, што-ба кемокстамс тя ошть, но Троц-кий предательсь ашезе пяшкодъ Ленинць приказонц, и ошть Кол-чаксь сязове.

Эста партиять Центральной Ко-митетонц Ленинць предложениянц коряс Сталинць и Дзержинскыйть кучезе тefнень петема Ура-лу.

Положениясь курук полафтсь. Минь армияньке ётась наступле-ниясь и сязове Уральск ошть. Троц-кийсь ёразе танга предать револю-циять. Сон ёразе лоткафтомс Кол-чакть лангс наступлениять и ётаф-томс армиять Восточнай фронтста



Южнаи. Ся пингть Колчаксь ёразе шовордамс эсь армиянц Деникин генералть армиянц мархта и шаштсь Волгати.


Ленин и Сталин тийсть план Колчакть тапаманц колга. Тяза ульсь кучф Фрунзе ялгась, конац эсь боевой соратниконц Чапаевть мархта марса тапазе Колчакть.

Тунда 1919-це кизоня Финляндиять и Эстониять ширде Юденичть команданц ала ушедсь наступления Петроградть лангс.

Партиясь тяза танга кучъ Сталинть. Краснай столицать араламанц инкса Сталинцъ ульсь казъф высшай наградаса—Якстерь знамянь боевой ордена.

1919-це к. сёксенда Советский Республикательяфсонза тиевсь танга стака момент. Деникинть цебяръста вооружандаф иностраннай армияц сявозе Орёлть, грозясь Тулати и Москути.

Сталин ялгась танга петезе положениять. Сон ёрдазе Троцкийть



М. В. ФРУНЗЕ.

предательский планонц и тийсь иля план—эрьхтемс Ростовъ лангс, шаштомок шахтерский Донбассть пачк; Сталин ялгать планонц одобрил партиять Центральной Комитетотц и кемокстазе Лянинцъ.

Эста жа Ворошиловъ и Буденнайть руководстваснон ала ульсь организовандаф героический Васенце Коннай армиясь, конац пяк оцю роль кирдсь Южной фронтса вракнень каршес тюремаса.

Тяфта Ленинъ, Сталинъ гениальной руководстваснон вельде ульсть тапафт интервенттне, конат ёрасть нельгомс народть кядьста свободать, властть.

Гражданский войнать кизонзон пингста Якстерь Армиясь ульсь пяк кальдявста вооружандаф, пяк кржалъ пулеметта, танкт ашельхть. 1918 це к. Якстерь Армиять ульсь аныцек фкя ярашты самолетоц.

Тяни Якстерь Армиясь—вракненди грознай вий, сон вооружандаф цебяръ оружияса, машинаса. Минь тyani ули вию артиллерияньке,



Снимкаса: С. М. КИРОВ—XI армиять Революционной Военной Советонц членотц.

(1920 к.).

РККА-ть центральной музейц.





Снимкаса: И. В. Сталин, Г. К. Орджоникидзе, А. И. Микоян.  
 (Тбилиси 1926 к. Революциянь музейнь экспонат).  
 Репродукциясь ТАСС-ть фотохроникац.

улихть мощнай танконьке, вию, вишкста лии самолетоньке. Минь ули Военно-Морской Флотоньке.

Народонь вракне, троцкистско-бухаринский шпиоттне и диверсаттне эцекшность Якстерь Армиять рядонзонды, штоба лафчептомс сонъ вийнц, и войнать пингста мимс минь родинаньконь фашисттненди. Но Якстерь Армиясь ароптозень эсь рядонзон подлай вракнень эзда, и сон арась нинге сяда виюкс.

Минь Якстерь Армияньке и Военно-Морской Флотоньке любой минутста анокт максомс сокрушительнай удар всякай врагги, конац ёрай сявомс минь павазу эряфоньконь.

Великай советский народть вели-

кай Армияц эсь вийнц, партияти, правительствати и Сталин ялгати эсь пefтoма преданостенц няфтезе Хасан эрххть районца бойхнень эса, мзярда японский самурайхне варжазь советский „панчфкятнень“ таньфснон. Катк мяляфтсазь фашистский захватчикне, што тейст мзярдонга аф улемс советский масторть лангса. Кда врагсь смедондай врьгатеми павазу странаньконь лангс, минь Якстерь Армияньке тапасы врагть сонцень территориясонза. Порукакс тянди ащи минь родинаньконь, славнай армияньконь мощец, конанц кельгозь касфтозе Ленинонь-Сталинонь партиясь.

Порукакс тянди ащи минь партияньке и сембе миронь трудящайхнень вождьсна Сталин ялгась.



# Чапаевськ бойса

Степной туманца ни таваткшневсь илядень сунерьгодомась, халупса шовда.

Боецне кати коста кандсть церковнай штатол пакшкя, стяфтозь сонь валазья чайнай шаваняти, пуромсть шрать перьф, келептезь картать, ванондозь и цебярьста думандакшнезь шовдавань наступлениян-нон. Чапаевсь озафоль эземть кучкас. Кафцке кяденза путфтольхть шрать лангс; фкять эса-циркуль, омбоцеть-оржа лаксеф крандаш. Полконь командирхне батальоннайхне, ротнайхне и проста рядовой боецне ащеть кругса шрать перьф то шангадсть, то комсесть шрать велькс и сембе вансть, кода Чапаев якафтсь аф оцю циркуленц мархта картать эзга, бта аськолясь мчкрганонь аськолксса. Федорсь и Потаповсь озасть серьцек эземть лангс. Тяса, видеста азомс ашель кодамовок совещания, Чапаевсь уставась тя тевти, штоба ознакомить, азондомс и предупредить.

Сембе местьке ащеть кашторда, кулхцондсть, кой-конат сёрматкшнезь сонь указаниянзон и советонзон. Кашт аф моли, аныцек кулевсть Чапаевть властной вайгелец и уды боецнень крнамасна и шалхка варянь вешкфсна...

...Курок Александр Гайста састь илядыкс Чапаевецне. Синь эщеть халупти, и тоса тyani ульсь пяк тесна.

Чапаевсь мольфтезе тонафтоманц:

...Кда аф сразу-тяса мезевок аф лиси: неприменна враз! Кодак комотеть—тяса тейнза аш коза аськолдамс... Сембонь нолдамс тяникиге,

частшкада-кафтта меле. Шарько-десть? Порт-Артурть ваксса зарять тиевомс эряви улемс. Штоба фалу шовдаста, мзярда и настоящей валдовок аф ули-шарькодесть?

Командирхне люкафнезь тейнза пряснон, валомня отвечахнешть:



— Шарькодеск... Конешна, шовдаста... Сон шовдась вдь,—как раз.

— Приказсь тинь кядьсонть,—сяда тов корхтась Чапаевсь,—тоса частне сембе сьорматфт, коса лоткамс, мзярда кеподемс походс. Верндамс эряви, цёрат, што тевсь ётай цебярьста, тя сембодонга главнайсь...А мзярда аф верондат, што сяськат, так лучи тят яка... Мон азонь аныцек часттнень, вастть, аныцек тянь вельде аф сяськат-эститть сембе эряви тиёмс... И васень тевсь—осторожностсь: кивок тязазе сода, што туме наступленияс, ни-ни... Содасазь—имась сембе тевсь... Кали повсь кить лангса казак али киргиз, да и мужик, сембе-сяка,—кирдемс, аф нолдамс—самольде разберем.



— Цебарь, — кие-бди пшкядсь угольть эзда.

— Ули, и кирдьк, — весяласта фатязе Чапаевсь.

— Тон ванонт сонь лангозонза, казакть лангс, ванонт сембе ширде. Содасак, кодама сон стамсь: комоти врагсь шрацень алда. Сон тяса куду сембе кинятнень, лотконятнень содасыне... Тянь тага—таки мяляфтьк. Да тьяк келепне кургцень мархтонза, казакть мархта. Кармат келепнемонза, сон сонць тонь санкс таргатанза.

— Виде... Тя, кода нйф... Казаксь фалу фталот...

Беседать деловой пъялкоц аделаф.

\* \* \*

Орудиятне увназь шавсть перьф пъялге. Вачкиесь паксятъ эзга увнамась, мярьгат гигантскый зверь кругс пантьф вачкиесь шири и куломшка урокдсь. Куфцемать, вешкомать и увнамать йоткса мольсть веселайста цепне, конатнень тюреманы толсь кепсезень мяльснон.

Якстерь околыш мархта равжа вазьса, равжа буркаса, мярьгат демононь пацят, конат лиендихть вармать эзда, фкя песта омба пети лиендсь Чапаевсь. И сембе няезь, кода тяса и тоса эвондакшнесь и тага меки юмсесь сонь шуваня фигурац, конац педезь-петьф казацкый седлатъ лангс. Сон йотамбачк макссесь приказаният, пачфнесь куля мезе тиемс, макссесь кизефкт. И командирхневок, тяфта лац содазь эсь Чапайснон, нюрхкяняста, вишкста пачфнезь эрявикс сведениятнень—валга лишнай афольхть азонкшне, аф оцю задержканявок афольхть тиенде.

— Сембе пулеметтне целайхть?— ардомбачк вишкста кизефнесь Чапаевсь.

— Целайхть,—кие бди цепнень эзда ивадсь тейнза.

— Мзяра снаряднай повозкада?

— Кота...

— Коса командирсь?

Кяржи ширдень флангса.

Сон вишкста врьгатнесь кяржи ширдень флангти.

Цепне вргятнесь вишке бойс. Эхянь сьака пингть тапсевсть цепнень эзда казачай пулеметтне. Цепьста боецне прашендсть пеккедь лангс, кяшендсть лов марнятнень эшкс—ащестъ масторса ваймонь апак таргсек, учсесь од команда.

Цепнень фтала нармонькс Лиедсь, вишкста макссесь приказаният, кунцезень ответнень Чапаевсь.

Вов сон крутаста шарфтозе алашанц, мезе ули вийса арды батареянь командирти:—Сембе пулеметтнень шарфтомс меленцятнень лангс!

Лядиентъ меленцятнень эзда сембе пулеметтнень! Станицать тясть токсе, мзярс аф мярьган!

Вишкста шарфтозе алашанц и тусь меки цепьненди. Сяда сидеста, вишкста и кяжиста корхтазевсть орудиятне. Станицась кяжияфнезь эряскадсь лоткафтомс ласьки цепнень. Меленцятне увназевсть, и вдруг срадсть цятордозь: нолдафт ульсть сембе пулеметтне сразу. Кафцке ширеста кемокстась толсь. Но эрь минутаня якстерь армеецне шашнихть сяда малав, и малав, сембе сяда точнайста прашендыхть и сязендевихть снарядтне... маласа врагсь, эряви тапамс сонь, и сонь лафтувонзон ланга мянемс станицав...

Чапаевсь вишкста арнесь цепнень эзга фкя песта омба пети. Сон ульсь возбужденнай, сельмонза палсть толкс.

То кучи гонецт пулеметтненди, то снарядтненди, то полконь командирти, то тага арды сонць, и нйисазь



боецне, кода сельмозост повонды  
сонь осал ронгоц. Вов лиезь лийсь  
тейнза фкя каваллерист и мезе бди  
тейнза эрязста, эрязста азсь.

— Коса? Левай флангса?—виш-  
кста корхтась Чапаевсь.

— Левайса....

— Лама?

Так точна.

— Пулеметтне вастоваст?

— Сембе лац ащи, кучеме лезк-  
сонкса.

Аф ламда нолдамс малати и огонь  
командань коряс... Сембонди улемс  
вастова... Огонь командань коряс!!!

Кеме валсь ся последний и роко-  
вой минутатнень, секундатнень пи-  
нгста боецненди пяк эрявсь! Синь  
спокойнайхть.. Синь кульсась, синь  
няйсась, што Чапаевсь синь марх-  
тост. И верондайхть, што беда аф  
ули.

Кодак аныцек лавась пачкодсь  
ляцемань расстоянияс, вачкодсь



И сон арды тоза, левай фланг-  
ти, коса грознайста шашнесь опас-  
ностьсь. Казакне шаштсть лавакс,  
маласа ни няевихть арды алашатне..  
Лийсь Чапаевсь батальоннай ко-  
мандирти:

— Тят аерткшне вастстот! Сембе  
цепьненди!.. Залпса ляцендемс.

— Так точна...

И сон вишкста тусь ардозь мода-  
ти матф боецнень рядсон эзга.

— Тяда пель, тяда пель цьорат!  
Аф эряви стямс...

залп, сонь мельганза омбоцесь... Ко-  
мотнезевсь нервчай пулеметнай тр-  
намась.

Тра—та—та... Тра—та—та... Тра  
—та—та....—Налхкэзевсть апак лот-  
сек пулеметтне.

Ах—...xxx! Ах...xxx!—поладозь чет-  
кай, резкай дружной залпне.

Лавась шэрявсь, тапарясь, таяс-  
кадсь аф ламос фкя вастс.

Ахх! Ахх!—марявсть кайги залпне.  
Нинге аф ламняс—и лавась аф ша-  
шты... Нинге аф ламняс—и алашат-



не нярьснон шарфтозь меки. Казак-  
не качафтсазь меки, а синь мель-  
гаст:

Тра—та—та... Аххх! Аххх! Тра—та  
—та.... Аххх!.. Аххх!

Атакась машффт, боецне ни модать  
лангста кепсесазь акша пряснон.

Кой-конатнень тревожной ша-  
маснон эса цютькада налхксь  
эвотьф мзелдомась... Цепьне мо-  
лихть станицать эхянь алганза. Ся-  
да сидеста, сидеста, сидеста кар-  
масть стязь и мадозь ласькондема  
инголи боецне. Казакнень пулемет-  
най толсна вжназь вачкиесь цепть  
эзга. И аныцек цепесь кеподи,—ша-  
вихть казацкый залпне... Боецне  
ласьксть васенце меленцятнень фта-  
лу, кучаса кяшендсть кона пандоня  
эшксс, кона забороть вакс—сембе

сяда тов, тов станицати... И вдруг  
апак учсек сязевсь:

— Ялгат! ура... ура!!!... ура!!!

Цепсь шерьхкозевсь, винтовкат-  
нень кирдезь кядь вельде—тя поры-  
вистай, тьожде ласькомаса мольсть  
последний атакас.

Сяда меле ашесть маряв казацкый  
пулеметтне: сяка вастти кярсефт пу-  
леметчикне... Станицать эзга моль-  
сть якстерьармеецонь шумнай вол-  
нат.... коса-бди ичкозе, ичкозе по-  
вондыхть сельмос последний ластя  
ардыхне.

Якстерь Армиясь сувась Сломихин-  
ский станцияв.

Димитрий Фурмановъ

„Чапаев“ книгастонза.







## Русская сказка

Ульсть атять колма цёранза. Оцю цёрац тусь морякокс, омбоце цёрац тонадсь аэропланца лиендеме, а колмоце цёрац ульсь граница ваны.

Оделазе оцю цёрац службанц, сась геройкс. Щаф-каряф мазыста, лентаса. Кенярдсть тядянза-альянза и корхтайхть:

— Тон сать, а нонат кафтне службаснон нинге ашезь адела.

Конац ульсь самолета, сявок урок лийкстась. Валксь самолетсь велеть ваксс, и лиссь тоста цёрась. Щаф-каряф сонга цебарьста, шнань пинжакса и вазьса. Шумбракстсь: Кенярдсть сиретне и корхтайхть!

— Хоть уроконая ба саль ёлмась.

А колмоце цёрась аш и аш. Нинге границаса. Командирхне сонь пях кельгозь. Кемоста содазе сон службать, служась правилатнень коряс. Няезе сон весть: врагсь границать туркс ётай. Колмоце цёрась кундазе врагть живойста и командирти вятзе. Вракне, канешна, кяжиясть, кармасть ваноме колмоце цёраць мельге, врьгатсть сонь лангозонза кода-бди весть, сязовь пленц и давай кизефнемс, мзяра тинь войскадонт, да коса нят войскактне ащихть. Колмоце цёрась корхтай:

— Мон тянь колга мезевок аф содан. Мон содан аныцек эсь тевожень, границаньконь ванан.

Ашесть веронда вакне.

— Васькафнят, — корхтайхть, — тон солдатат, тон должнат сембонь содамс. Кда аф азондат, минь аф

нолдатыдязь, а карматама казнендамот.

Колмоце братсь мярьгсь:

— Тя тевсь тинь. А мон мезевок аф содан. А кда содалень, сякокс мезевок афолень аз.

— Ах, тон вов, значит, кодамат! — корхтайхть вакне. И кармасть сонь, кода зверьхть, муцямонза, кинжалса сялгондомонза.

Сембе теластонза сонь кармась шудема вяр, нолдазе прянц и кулсема ни кармась, а сякокс мезевок ашезь аз. Ниясаяь вакне — сон аф корхтафтови, ёрдазь сонь мекиграницать омбокс.

А братне сембе учихть ёлмать и арьсихть: „Мес кельгома брадоньке аф сай? Пинге ни!“ И вдруг сёрмасаь: „Имась тинь героенте злодейхнень кядьс“.

Ламос авардсть альянза-тядянза сонь колганза, а цёрасна, конац аэропланца лиендсь, корхтай флотскый брадонцты:

— Аде лийхтяма Сталин ялгати, мярьгтяма: мяленьке улемс тоса, коса имась минь брадоньке.

Лийсть Сталин ялгати, корхтайхть тейнза:

— Ста-тяфта, кельгом Сталин ялгась, арьсеме минь пандомс кяженьконь злой вакненди брадоньконь инкса.

Сталин корхтай: ладна, арда. И лийкстась синь тоза, коса синь братсна служась. Лийсть границати,



васьфтезень синь пограничнай командир и корхтай:

— Ашесть кенерь брадонтьень живойста. Минь старандаме пчкафтомс сонь, да мезське ашезь лезда. Наука ти нинге ты аф тиеви. Брадонте аныцек што кулось.

Мольсть тейнза брадонза, нийсазь: сембе телац сонь ранендакшнеф, кярсеф. И кармасть брадонза сонь колганза авардеме, а ёткаста брадсь, конац аэропланца лиендеме ульсь тонафтф, мярьгсь;

— Эряви тейнек панттенди лиендемс. Тоса всякай лихтибрат шудихть. И ули лихтибрат живой ведь мархта; ты ведть эзда ранатне пчкйахть, ломанць живондай.

Флотский брадсь корхтай:

— Лихтяма курокона, мусаськ живой лихтибрать.

Озасть аэропланти, лийкстасть панттенди. Мусть ёлма родникона. Ведсь сонь эсонза лихтибракшави, а сонць, кода эй, кельме. Сявсть синь ведь и арьсихть: эряви сон проверямс. Аныцек тынь кол-

га ушедсть арьсеме—ваныхть, нумол ащи. Целясть нумолть лангс и шавозь. Оцю брадсь и корхтай:

— Тяни дай ты нумолть варжасаськ: живондай сон или аф?

И кармасть нумолть прксемонза ведьса. Пргасть ранати, коса пулясь ульсь, пргасть омбоцеда, а колмоцеда—нумолсь шерхкзевсь, шукадзе понанц. Да кодак комоти, да ардозь!


Кенярдсть браттне. Амолдасть, ведь сюлеканяс, озасть самолету и мрдась ёлма брадсонды.

А тона ащи апак шерхк, аф уды, аф ваймонц таркси. Ушедсть синь ранатненъ ведьса прксемост, а синиль ашихть вакссонза и авардихть. Пргазь весть, омбоцеда и нийсазь: ранатне ушедсть кяшевона.

Пргазь колмоцеда, брадсна шерхкозевсь, кепозеде прянц и мярьгсь валомня:

— Ох, браткяне, конашкава ламос удонь!

А брадонза корхтайхть:—Вечна





ба тейть саволь удсемс, кда аф минь.

Командирсь кенярдембачк нолда-зень синь куду. Арда, мол. вайма-да. И синь арьсесь аэропланца аляснонды - тядяснонды лиемс. Лийсть шачема вастозост, валксть велеснон ваксс. Народсь сода-зе, канешна, што ёлма брадсна шавф—ваны, а ёлмась живой. Ань-цек пяк ни осал и лофтана шамац, вяр путерькс аш эсонза. Ласьксть ломаттне цёрада инголе синь тядяснонды-аляснонды:

— Идняненте сайхть. Елмаске живой, аньцек пяк осал.

— Кенярдсть тядясна - алясна, аварьгадсть. Роднойхне осалтиге радовайхть.

Эрясть синь неделяшка и корх-тайхть:

— А тyani эряви лиендемс Сталин-ти. Аряда, братьят, лиихтяма кол-мицке.

Тядясна-алясна корхтайхть:

— Тинь хоть муцяф Егорть ка-дода.

— Аф, — корхтай Егорсь, — мон аф илядан. Тейне Сталинти эряви модемс.

Станя и тийсть. Озасть аэроп-ланц, тусть. Лийсть Сталинти, азозь, што синь састь.

Сталин, конешна, тердезень синь

Кремляв, мярьгсь озамда и азон-домда, кода синь брадснон идеть. Пяк кенярдсть Сталин, мес идеть Егорть, сембонь кядьснон люпш-тазень и корхтай:

— Мезе тейнтъ эздон эряви?

Елма брадсь, конац пчкясь, от-вечась:

— Мяленьке колмицкенди фкя-фкада аф аерткшнемс, марса эрямс. Мяленьке сембонь Дальнай Вос-токса границаса служамс.

Сталин тейст отвечась:

— Станя тяди и улемс. Геройх-ненди аф откадат. Мон тяфтама геройхнень пяк кельгсайне.

Макссь сон тейст ордетт, и тусть браттне границав.

Тусь ёлма брадсь границать ва-нома, нязь сонь вакне, ивадихть:

— Эй, Егор! ты тон?

— Самай мон, — корхтай Егорсь.

— Ведь минь тонь шаводязь, — дивандасть синь. Егорсь отвечась:

— Кода тинь тямась шавонда, минь меки живондатама.

Вракне эводьфста тусть ласькозь начальникснонды и азондозь. На-чальникне аф азомшка эводсть, пря-зост фатнихть:

— Тя тевсь тяфта ковонга аф ярашты. Кода тyani тейнек улемс, мезе тyani тейнек мархтост тиёмс? Лисенди, што тейнек синь мзярдо-вок аф машфтовихть.





М. Сайгин

Тинь аф мяляфтсасть,  
Иднят, ташта эряфть,  
Оцязоронь пингть  
Туркс-накось пирыфть.  
Цебярста эрясь,  
Кинь касфоль пекоц,  
Козятель волясь,  
Сонь пяхксель зепоц.  
Беднайхнень лангса  
Арнесть козятне,  
Кяжи баярхне,  
Попне жаднайхне.  
Мезе кельгонькшнесть,  
Сянь и тиенкшнесть,  
Лама ливось, вер  
Синь вдь симонкшнесть,  
Беднай ломаттнень  
Вача кирнекшнесть.  
Пичедсть беднайхне,  
Ашель кшинясна,  
Осал шить эзда  
Машнесть вийнясна.  
Пяк и пяк стакаль  
Раньши эрямась,  
Вай, пяк ни стакаль  
Эста прянь трямась.  
Трудяйхнень ашель  
Эрямс правасна,  
Вача шить эзда  
Урнясть шабасна.

\* \* \*

Баярхнень каршес  
Эста тюрема  
Сембе трудяйхнень  
Ленинць тернезень,  
Китнень яннатнень  
Тейст няфнезень,  
Вишке бойхненди  
Сталинць вятнезень.  
Октябрюнь бурясь  
Вишкста увназевсь,  
И кшнинь цюнзерхне  
Пакшнянь-пакш сязевсть.  
Народсь панезень  
Баярть, оцязорть,  
Сембе трудяйхне  
Арсть синць азоркс.  
Эряфсь цебярьгадсь,  
Келемсть модатне,  
Топодьста эряйхть  
Трудяй ломаттне.  
Тяни тинь, иднят,  
Акша локштинят,  
Касонтада тинь,  
Кода од кстынят.  
Эрятада тинь  
Цебярь эряфса,  
Тонафнетяда  
Пара мяльняса.  
Тонафнемс правать  
Сталинць максозе,  
Сон тинь кирттыязь  
Седи вакссонза.





Григорий Ельмеев

Кие аф кельгтянза,  
Вирняй, сединяй.  
Акша пухонь леш  
Лангсот щамняце.  
Кожфкаса нюрсят,  
Парста няеват,  
Сиянь пуль эздот  
Алу пярдят.  
Сетме вайгяльса  
Жойфкаса увнат.

Али киндинге  
Станя эняльдят?...  
Али тейть ужалхть  
Мази нармттне,  
Конат эздот тусть  
Лямбе ширети?  
Али тейть ужалхть  
Золтань лопатне?  
—Синь кунара ни  
Ацавсть модати.

### Кельгса тялоть

Цифторф, палыхть  
Менельть эса тяшттне;  
Морай, читорды,  
Монь пильгалон ловсь.  
Седись шави,  
Вяри кепси мяштце,  
Пейдезь ваны,  
Лангозт кельме ковсь.  
Вальмять ала  
Келунязе комась,  
Акша пухонь  
Лешкясь сонь утясь.

Сетьме кожфкясь  
Келунязти морась,  
Сон валомня  
Меки вяри стясь  
Кельгте, тяла,  
Оцю ловонь марце,  
Кельгте, кельгте,  
Мороз атя, тонь.  
Лама ловце,  
Лама ули парце,  
Тунда солат,  
Шаманц штасак розть.

### Ляйсь

Тяни эйндать,  
Кельгом ляйнязе,  
Лангозт ваномок,  
Касы мяльнязе.  
Велькссот лешафкат  
Сиде кальнятне,  
Симдсайть, андсайть тон  
Сембе калнятнень.  
Пси тундас уды  
Эйнь седняце,

Валом алганза  
Шуди ведняце.  
Шуди сон, шуди,  
Моряв пачкоди,  
Сонь волнанзонды  
Кельгозь вачкоди.  
Тунда менельге  
Веднясь меки сай,  
Паксянь сёротнень  
Кельгомгане штай.



# СЁРОТЬ АНДОМА

Ваня Лапшин.

Морай вешки тьлонь вармась,  
Пиди кельме якшамсь сась.  
Шись нюрьхкалгадама кармась,  
Акша, ляпе ловнясь прась.  
Сембе лоткнень, ляххнень.  
вельхтась,  
Акша панар щась вирнясь.

Кожфкясь арунясь вирняса  
Шуфттнень пряснон сюдерясь.  
Аф няеви мода пакшкя,  
Эчкста ацась паксять ловсь,  
Кундазе сонь сембонь тяза  
Сёроть андома колхозсь.

Паша Рогачев

*Шумбрат, тялоняй!*

Шумбрат, тялоняй,  
Шаржу атяня,  
Мушка сакалня,  
Ловонь платяня.  
Ловда лама тон  
Паксять лангс кандат,

Тунда соламстот  
Сёротнень андат.  
А колхозникти,  
Кодак кизось сай,  
Кандыхть сёротне  
Козя урожай.

Маруся Гераськина

# Велети

Шумбрат, тон колхознай веле,  
Шумбрат пәнжи марлю сад.  
Славась колгат шуди келес,  
Сяс и морамот кундань.

Шумбрат тон, колхоз „Калинин“  
И веселай марстонь труд.  
Шумбрат всяяла колхозник,  
Цебярь эряф эстить муть.

Тяни эряфце тонь полафтсь,  
Сембе кенкшне тондейть панчфт.  
Сталинец макссь тейть питни  
                                прават—  
Кельгом книга сонза азфт.  
Можешь тонафнемс и ваймамс,  
И почетнай васта занямс.  
Тонь иднятне—пионерхт,  
Трудса мастерхт, инженерхт.





А. Мезякаев.

I

Мон ниле кизода тяда инго-  
ле улень пионеркс, тонаф-  
нень школаса. Ульсть кельгома  
и кемоста ладяй ялгане. Минь  
ульсь вожатайньке. Сон тейнек ла-  
ма азондсь иттнень эряфснон кол-  
га лия странатнень эзга, тонафтсь  
лама налхксемат.

Минь организованнайста яксек-  
шеме вири экскурсияс. Тоса или  
жа кочксеме панчфкат, конатнень  
явфнелеськ группань-группань, или  
жа налхсекшеме военной играса.

Весть, кизонда, кстынь кенерема  
пингста, пионервожатайньке коч-  
камазь марс, и туме вири экс-  
курсияс.

Модемстакиге вожатайсь мяр-  
гсь, што сигналда меле сембон-  
ди эряви пуромомс сери кузть вакс,  
конац ульсь вирть кучкаса.

Минь вирьсотама. Уфай сетьме  
кожфке. Вирть крайса, сетьме вар-  
мать моронц коряс поюфне  
кштифтсть эсь лопаснон эса.

Сембе срадсть вирть келес панч-  
фонь кочкама.

Мон сувань сяда потму. Якстерь  
панаркс лугать лангоц вельхтяф  
кстыса. Мон кармань ярхцама ксты-  
да и сязендема цебярьста панжи  
панчфкат, конат ульсть кстыхнень  
ёткова. Сери шуфта прясa морась  
чёфкс. Вирть потмоса маряви, кода  
кайгиста, сембе вирть келес кукась  
кукунясь.

Вдруг, апак учендт, шуфта юр-

няста, кона ульсь аф ичкозе монь  
эздон, лиссь нумол лефксая и тусь  
ардозь шуфттнень ёткова. „Эх, вага  
ба кундамс“ арьсень мон. И тунь  
ласькозь нумол лефксть мельге.  
Пачкодень шава вастоняс, конац  
сембе ширде кружафоль сери  
шуфтса, и конатнень фтала няевсь  
пях шовда. А алува мзяра кстыда!  
Сисем кизоста аф кочкавихть!.  
Сембе оцюфт и якстерьхть. Мон  
лоткань нумол лефксть мельге  
ласькомда и комань кстыда ярх-  
цама.

Шись валгсь. Сембе сетьмось.  
Тяни аф морай вирь кучкаса кай-  
гиста кукунясь. Мон стянть. Сембе  
ширесь, тя пакшкада башка, ульсь  
шобда, кода вень кучкать.

Лядьсь мялезон, што кунара ни  
тумаль куду. Ялгане пади тнярс  
тусть.

— Ялгат!!—Мезе ули вийса пеш-  
кодонь мон. Гайнязь гайфтсь вирть  
келес монь вайгялезе, но кивок  
каршезон изь макссе ответ. Эряви  
тумс куду, но аф содаса, кона ши-  
ри модемс. Шарьхкодень, што мон  
тяса могу эрьгодемс.

Мон тунь кержи шири. Сембе  
ширге сетьме. Аньцек коста-кос-  
та шуфтнень прясa тргадыхть вар-  
сихне или маряви зверень пешко-  
дома вайгяль.

Мон кармань пелема.

Стясть пряс шярне и эводемать  
эзда карань - каршек калциесть  
пейне.



И вов пачкодень кодама-бди лотка ваксс. Аф няеви аф потмаксоц, аф омбоце крайц. Тяни мон шарьхкодень, што эрьгодень. Монь тьса может севомс любой хищнай зверсь.

Эсон наверна тяни вешендихть. Тусть шамазень келес идень сельмеветь.

„Пионерти, косонга аф эряви пелмс“ арьсень мон. Лоткань аварьдемода и шаштонь берягть крайс. Ерань варштамс потмакти, но гурякстсть монь пильгоне и кеворень потмакти.

Варжакстонь вяри. Менельса тяштеньятне вансть монь лангозон, марьгат тейстка арань ужялькс. Ащан бта шовда калма потмоса. Берякнень крайсна афи няевихть. Аньцек ляить потмаксса, кефнень ёткова, жольфса шудесь сия лаца чистой веднясь.

Мон эсь прязень маряйне стакаста. Види щеказе оржа кефненди ваткавсь верс, кармась сярядеме кержи пильгозе. Ерань куцемс меки берягти, но куцемс ульсь аш кода. Берягсь ульсь кру-

тадонга крута. Мон храмойняста тунь лотка кувалмова.

Кармась сярядеме прязе и качам пачк кармасть няема сельмоне. Молян кода сокор: то пильгозе туй кодамовок лотконяс или стукади кевс, то стукадян коське шуфта коряньц. Молян састодонга састоста и аф содаса коза.

Сембе ширде маряви мезеньбди увф. Коста и мезьстатя увфсь? Коста, аф содаса. Аньцек арьсян, што тя или жа вирьса варма, или жа тя аньцек тейне тяфта маряви прянь сярядемать эзда. Мон сембе кельмонь и аф содаса мес. Кати ушесь якшафтсь, кати тяфта арань эводемать эзда.

Кеподине прязень, няень инголен землянка. Аф содаса кода азомс конашкава мон эводень. Лоткань, и ащан фкя вастса, кода шуфтоня.

„Молян суван, пади тьса азсазь, кона шири молемс“ арьсень мон. И сувань землянкав.

Землянкаса кивок ашель. Аньцек кучкаса ульсь моркш и стенать ку-





валмова тарадста тиф, тишеса  
вельхтяф удома вастоня.

Мон озань моркш ваксс, таргай-  
не карманцтон кшинязень, афлам-  
няда сусконь и кармань арьсекшне-  
ма, месть тyani лядсь тейне тиемс.  
Ашень шарьхкодь, кода арьсема-  
нень мархта матодовонь тозк  
моркшть ваксс.

## II

Мон веть няень он.

Онцтон, бта Ванькать мархта  
молеме вири кстыс. Кстынь кочка-  
ма шовор суваме потму. Апак  
учендт инголенк лиссь вирьгас.  
Сон, бта ардсь монь малазон и ве-  
ляфтомань пильгонзон алу. Мон  
мезе ули вийса пешкодонь.

Панжине сельмонень. Мезевонь  
аф шарьхкодян, сембе вастсь аф  
знакомай. Косан мон тяфта?

Ламос арьсемода меле, мон  
шарьхкодень, што мон исяк эрьго-  
день. Мон моркш ваксса веньберьф  
удонь озада. Эряста стянть и лисень  
землянкаста.

Ульсь нинге шобда. Но курок  
варьхмоди. Шинь стяма ширесь  
кармась валдомома. Сембе сетье.  
Менельса сельмонь чипорязь ва-  
нондсть лангозон тяштеньяне.

Вдруг марян кати-мезень каш-  
торф и ломанень вайгяль. Мон  
васенда эводень. А меле комань,  
и озань фкя калена лангс, монць  
валомне ванонь ширге. Ульсь тяф-  
тама сетье, што цебярьста ку-  
левсть ломанень вайгяльхне и ня-  
евсть, кода землянкаць шири сайхть  
колма алят. Синь копорьсост ме-  
зе-бди кандсть.

Месть тиемс?

Кода кяшемс?

Туян ласькозь? Аф!.. Тязк кя-  
шан! Сувань землянкав и кяшень  
удома вастть алу.

Сувасть колма алят, копорьсост  
кяскафт.

—Фу! кодама стака,—корхтась  
фкясь. И путозе кяскавть ужети  
конань мельге путозь и илядых-  
невок.

—Ванды молемс эряви клапа-  
вои. Корхтайхть, лама саявсть медьта.  
Куроконе эряви ворьфтемс, штоба  
кенеремс базарти.

—Тоса кафта сторошт,—савор-  
ня мярьгсь колмоцесь.

—Эх, дурак! Ветеце кизось  
салат и тя пингти ашеть тонада.  
Меляфтсак, кода Саласка велеса  
сторожть кшниса касма ланга эрь-  
хтить, вайгяльге изезь макса,—  
мярьгсь омбоцесь.

Монь кирьвязсь сембе потмозе.  
Пиштедень уженяти и эшксозон  
шашфтонь тишенят.

Синь лама азондсть удачной и  
аф удачной саламат.


Шодава, мзярда лиссь шись,  
синь кати ков тусть. Мон эрязста  
лисень удома вастть алда, сембе  
вастозень маряйне сярядьфста. Ко-  
да бта улень стакадонга стака ра-  
ботаса.

Сембе вирське сыргозсь. Цебярста  
кулевсь шудерькскать шудемац и  
мешень зойнямась педеньф сире  
нупоньца келунь варять эзда. Мон  
осторожнайста лисень землянкаста  
и тунь лоткть кувалма.

Курокста лисень ровна вастс.  
Тяса и ульсь вирть крайц. Вирсь  
ульсь туста и пяк сери оцю спо-  
койнай сире келуфне пиндолдсть  
вярьге свежай пижеса. Менельга  
куцсь рахай шинясь. Дикай мешне  
фкя вайгяльса зойнясть и шарсть  
пялес наксада коренть вельксса.  
Наксада лопатнень и аф ичкизе  
ащи начка шяйтть эзда марявсь  
наксада шине.

Лисине вирть. Няевсь минь ве-  
леньке, мон сонь кадыне кафтош-





ка вайгяльбе васта. Мон тунь ке-  
нярдэзь, ласькозь велеть шири.

Сань вели. Сувань куду. Аш ко-  
да азомс, конашкава тидязе ке-  
нярдсь. Сон сявомань кядезонза  
и кармась эсон палсема. Сон ки-  
зефнесь эсон, и мон сембонь азон-  
дыне, мезе няень и коса улень.  
Тядязе кулхцондомстонза аварь-  
гадсь.

— А алязе коса?—кизефтине мон  
тядязень.

— Аляце, аф пяк кунара сась  
вирьста, якась вешендемот.

Сейчас аныцек кудсоль.

Мишоксь сашендсь инксонза уто-  
монь петема. Етай веть кит-бди  
синнезь утопнень и саласть лама  
почфт.

Мон эстакиге шарьхкодень,

што салайхне нят самай, конат  
ульсть землянкаса.

Мон эрызста ласьконь правлени-  
яв, тоса азондыне сембе тевть.  
Правлениянь члеттне сясьть ружь-  
ят, килдсть алаша и тусть вири.  
Мархтост сясьть лама колхозникт,  
комсомолецт, сявомазь моньге и  
алязеньге. Мон теист няфнине кить  
куване молема.

Пачкодеме землянкать малас.  
Землянкаса кивок ашель. Почф  
мархта кяскафнень путоськ кранда-  
зти, и ружья мархтотне срадсть  
сембе перьф пяльге и кяшендсть  
шуфта тарад эшксс. Аф лама пин-  
гта-меле салайхне сасьть землянкать  
малас и синь ульсть кундафт.  
Председательсь молись малазон,  
вадердазе прязень и мярьгсь:

— Молодец, пионер!..



# Сембодонг Калга Аф Ломняне

## Косот сембодонга крхка васттне океанца

Мзярда бди арьсесть, што океанца сембодонга крхка васттне ащихть кучкаса. Мекольдень кизотнень пингста ученайхне содазь, што сембода крхка васттне аф океанть кучкасонзот, а материкнень маласот.

Тихай океанца улихть 9 крхка вастт (впадинат). Синь эздост сембодонга крхкась (10.480 метра) ащи Филиппинский острофнень маласа. А сембодонга кувака крхка вастсь

Тускарорась (крхкалмоц 8.550 м.) моли Япониять малава и дугакс шары Курильскый и Алеутскый острофнень вакска.

Атлантический океанца тейнек содафт аныцек кафта крхка вастт. Синь эздост сембода крхкась (8.525 метра) Порто-Рикоть маласа.

Индийскый океанца аныцек фкя крхка васта—Ява островть маласа.

## СЕМБОДОНГА СЕРИ И СЕМБОДОНГА ЭЧКЕ ШУФТТНЕ

Мирса сембодонга сери шуфттне—нят эвкалипттне. Синь касыхть Австралияса. Синь касыхть пяк сериста, 150 метрань серес.

Нят шуфттне фкя-фкянь эзда ащихть пяк шуроста, тарадснон эса лопатне нюръгихть станя, што мянь шинь кучкатенге аф тиихть сильфт. Эвкалипттне касыхть пяк вишкста. Нят кеме шуфттнень эзда тиендихть шпалхт и кинь ацамс брусокт.

Тяда башка пяк сериста касы ливанскый кедрсь и калифорнийскый пичесь.

Хлебнай шуфтсь, или кода тейнза мярьгондихть баобабсь, аф пяк сери, но сембодонга эчксь сембе мирса. Сонь корянец окружностенц коряс эрай 45 метра. Хлебнай шуфттнень эзда понцихть пикст, карькст, котсихть эчке котфт, а сонь соку плодонзон эзда ярхцсихть.





# Варзеоск ?? шазьжесдеис!

## ШАРАДАТ.

Фкя иностраннай государствань  
ошенц лемонц ушетксонц эзда  
ёрдада кафта букват и полафтыенть  
лия букваса, штоба лисель фкя  
известнай народной певецонь лем.

\* \* \*

Васенцесь—рузонь кяльса мес-  
тоимения, омбоцесь—щам, конань  
канесазь кизонда, пси шитнень пин-

гста, а кафцке марса сёрмадозь,—  
остров Америкаса.

## Содайть йофкснень

Мезе ся? Сонць панжеви, меки аф  
сёлгови.

Сей тостядсазь, тов тостядсазь,  
а вастстонза сякокс аф туй.

И. Девин

## Решандасть

Фкя стирнясь сельпонь магазину  
кандсь мимс алхт. Мон кизефтинь,  
мзяра, сонь алдонза. Сон отвечась:  
„Мзярда синь лувине кафтонь, кол-  
монь и нилень, то фкя ал лишнан-  
дакшнесь, а мзярда лувине ветень,  
то лишнай ал ашезь иляткшне.“

Аф ламос арьсемда меле мон  
азыне, мзяроль стирнять алдонза.  
Решандасть тинге.

\* \* \*

Кафта пионерскяй звенат розень  
урядама пингста якасть паксяв розь

прянь кочкама. Розь прятнень ма-  
разь кяскавга.

Кда васенце звенась фкя кяска-  
вонц максолхце омбоце звенати,  
то кафцке звенатнень кяскавснон  
лувкссна улельхть ровнат, а кда  
омбоце звенась максолхце фкя  
кяскавонц васенце звенати, то ва-  
сенце звенать кяскавдонза улель  
кафксть сяда лама омбоце звенать  
коряс.

Содасть мзяроль кяскавдонза  
эрь звенать?

Задачатнень арьсезень Алексей  
Мезякаев.







Питнец 20 тр.

Центральная  
Библиотека 10 экз



Редакция адресов: Саранск, Советская, Дом печати.

**„ЯКСТЕРЬ ГАЛСТУК“**